



ज्वजलपा वा:पौ

JWOJALAPA WEEKLY

दँ ँ ल्या: ०८ (पूर्णडक १५५) ने. सं. ११३७ यंलागा द्वादशी आइतवा: २०७४ भाद्र १८ गते आइतवार (Sep-03, 2017)

मू ँ १- पृष्ठ ८

नेवा: पत्रकार राष्ट्रिय दबूया दँ मुज्याय् न्याम्ह पत्रकारतय्त सिरपा:ल:ल्हात भिगू लखया पत्रकारिता कल्याणकारिणी कोषया घोषणा

ज्वजलपा वा:पौ

देयन्कंया नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूया थौ शनिवा: न्याक्व:गु दँ मुज्याय् त:जिक न्यायेका न्याम्ह पत्रकारतय्त सिरपा: ल:ल्हागु दु। वाडमय शताब्दी पुरुष सत्यमोहन जोशी विशेष पाहां अले यँ महानगरपालिकाया मेयर बिद्यासुन्दर शाक्य मूपाहां जुयादीगु ख:।

समारोहया सभानाय: नेवा: पत्रकार राष्ट्रिय दबूया नाय: श्रीकृष्ण महर्जनं समावेशीता, मातृभाषाया पत्रकारिता नापं नेवा: पत्रकारतयगु नितिं हे संगठन नीस्वनागु नापं थुगु संगठनं नेवा: पत्रकारतयगु हक अधिकारया नितिं संघर्ष याना वनेगु जुइ धयादिल। नापं नेवा: पत्रकार तय्त ह:पा: बिइगु नितिं हे थीथी कथंया न्याक्व:गु दँ मुज्याय् न्याम्ह हे नेवा: पत्रकारतय्त सिरपा: ल:ल्हायेगु ग्वसा: ग्वयागु ख: धका: धयादिल। उगु ज्याभवलय् पत्रकार दबूपाखें वाडमय शताब्दी पुरुष सत्यमोहन जोशी पत्रकारिता सिरपा बरिष्ठ पत्रकार रमेशकाजी स्थापितयात, भिक्षु कुमार कास्यप स्मृति पत्रकारिता सिरपा क्रियाशिल युवा पत्रकार



राजेन्द्र मानन्धरयात ल:ल्हागु ख:। उगु हे कथं ज्ञानदेवी स्थापित स्मृति पत्रकारिता सिरपा: हटौडा वा:पौया सम्पादक मोहनमान सांगामीयात, वाबुराजा ज्यापु फोटो पत्रकारिता सिरपा: बरिष्ठ फोटो पत्रकार राजेन्द्र चित्रकारयात व पुरुषोत्तम-निरादेवी पत्रकारिता सिरपा: न्हापांम्ह नेवा: कार्टुनिस मोहन श्याम खोकनायात ल:ल्हागु ख:। उगु न्यागू हे सिरपा: भिद्ध: भिद्ध तका नगद तकं ल:ल्हा:गु ख:। नेवा: पत्रकारतयगु नितिं ग्वाहालि यायेत पत्रकारिता कल्याणकारी कोष नं घोषणा या:गु ख:। उगु ज्याभवलय् यँ महानगरपालिकाया मेयर बिद्यासुन्दर शाक्यं नेवा पत्रकारतयगु नितिं दयेकूगु उगु कोषया नितिं महानगरपालिकापाखें न्यागू लख तका बिइगु घोषणा यानादीगु ख:। अथे हे अन सहभागी नापं थीथी व्यक्तित्वपिन्सं नं स्वतस्फूर्त रुपं हे कोषया नितिं ग्वाहालि यायेगु वचं वियादीगु ख:। ज्याभवलय् नेपाल आदिवासी जनजाति

पत्रकार महासंघया महासचिव गर्जुधन राई, मधेसी पत्रकार समाजया नाय: मोहन सिंह, प्रेस काउन्सिलया सुभेच्छा विन्दु, सम्मानित व्यक्तित्व रमेशकाजी स्थापित, सल्लाहकार सुरेश किरण मानन्धर नापं थीथी व्यक्तित्वपिन्सं थ:थ:गु बिचा: प्कादीगु ख:। नेपाल पत्रकार महासंघयात न्हू निर्वाचित जुयादीपिं पदाधिकारी व जनजातिया सदस्यपिन्त हनेज्या नापं संस्थायात भिंतुनापौ तकं ल:ल्हा:गु उगु ज्याभवलय् यँ महानगर पालिकाया मेयर शाक्ययात नेवा: पत्रकार राष्ट्रिय दबूपाखें भिंतुना पौ ल:ल्हा:गु ख:। उदघाटन समारोह लिपा जूगु बन्द शत्रपाखें मूख्याञ्जे सुनिल महर्जनया प्रगति प्रतिवेदन व दांभरी सरेन्द्रभक्त श्रेष्ठया आर्थिक विवरण प्रतिवेदन सहलह लिपा पारित या:गु ख:। शनिवा: जूगु न्याक्व:गु दँ मुज्याय् यँ, यल, ख्वप, काभ्रे, मकवानपुर, चितवन, धादिङ, गोरखा, दोल्खा नापं थीथी जिल्लाया प्रतिनिधितयगु सहभागीता दुगु ख:

एसियन व्यवस्थापन कलेज

नयाँबजार, कीर्तिपुर

आवश्यकता

नयाँ व्यवस्थापनबाट संचालन भैरहेको यस एसियन व्यवस्थापन कलेज, नयाँबजार, कीर्तिपुरको बि.बि.एस. (BBS) विहानी सत्रको लागि एक दक्ष तथा अनुभवी कलेज संयोजक (Co-Ordinator) आवश्यकता भएकोले इच्छुक उम्मेदवार बाट मिति २०७४/५/२३ गतेभित्र दरखास्त आवाहन गरिन्छ।

समय : विहान ६:३० बजेदेखि ९:०० सम्म

नोट: जनसम्पर्क दक्षता भएका उम्मेदवारहरूलाई विशेष प्राथ्यता दिइनेछ।

कलेज व्यवस्थापक

एसियन व्यवस्थापन कलेज



कीर्तिपुर नगरपालिका

नगर कार्यपालिकाको कार्यालय देवढोका, कीर्तिपुर

लघु स्वास्थ्य बीमा सम्बन्धी

सूचना

कीर्तिपुर नगरपालिका र फेक्ट नेपालबीच कीर्तिपुर नगरपालिकाका सम्पूर्ण नागरिकहरूलाई सहज र सुलभ स्वास्थ्य सेवा उपलब्ध गराउन भएको लघु स्वास्थ्य बीमा सम्बन्धी समझदारी अन्तर्गत लघु स्वास्थ्य बीमा कार्यक्रममा सहभागी हुन ईच्छुक सम्पूर्ण कीर्तिपुरवासी नागरिकहरूमा हार्दिक अनुरोध छ।

थप जानकारीको लागि सम्बन्धित वडा कार्यालयमा सम्पर्क गर्नु हुन समेत अनुरोध छ।

धन्यवाद



ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

रामभोला महर्जन, निरजमान सिंह

थाकू

प्रिन्ट स्काई, येँ

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

नेवा: पत्रकारया नितिं

कल्याणकारिणी कोषया घोषणा

देयन्यकया नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूया न्याक्वःगु देमूज्या व कार्यकारिणी सभा तःजिक क्वचाःगु दु । धीधी जिल्लापाखे सहभागी जुयादीपि नेवा: पत्रकारतयगु उगु तःजिगु सभाय धीधी पत्रकार संगठनया प्रतिनिधिपिन्सं भित्तुना देछायादीगु खःसा न्याम्ह नेवा: पत्रकार पिन्त हनेज्या तर्क याःगु खः ।

ज्याभवलय पत्रकार दबूपाखे वाडमय शताब्दी पुरुष सत्यमोहन जोशी पत्रकारिता सिरपा बरिष्ठ पत्रकार रमेशकाजी स्थापितयात, भिक्षु कुमार कास्यप स्मृति पत्रकारिता सिरपा क्रियाशिल युवा पत्रकार राजेन्द्र मानन्धरयात, ज्ञानदेवी स्थापित स्मृति पत्रकारिता सिरपा: हटौडा वा:पौया सम्पादक मोहनमान सांगामीयात, बाबुराजा ज्यापु फोटो पत्रकारिता सिरपा: बरिष्ठ फोटो पत्रकार राजेन्द्र चित्रकार यात व पुरुषोत्तम-निरादेवी पत्रकारिता सिरपा: न्हापाम्ह नेवा: कार्टुनिस्ट मोहन श्याम खोकनायात लःल्हागु खः ।

उगु सभाय नेवा: पत्रकारतयगु नितिं फिगू लखया कल्याणकारिणी कोष घोषणा याःगु खः । तत्काल हे येँ महानगरपालिकाया मेयर विद्यासुन्दर शाक्य न्यागू लख तका दां विडगु घोषणा यानादीगु खःसा अथे हे मेमेपिन्सं नापं याना घोषणा याःगु नापं याना उखुन्हु हे खगू लखसिबे अप्वः ध्यबा मुंकेगु ज्या जूगु दु । थुगु ल्याखं स्वल धाःसा नेवा: पत्रकारतयगु नितिं तःधंगु ज्या जुगु दु । उकिया नितिं सकल नेवाःतयसं ग्वहालि यायेफत धाःसा अवश्य न नेवा: पत्रकारतयगु नितिं हःपा: व तिवः जुइ धकाः धायेफइगु अवस्था दु ।

गजल शौरभ शाक्यया

गजल-४४

लवु नापं व्वायेगु खः

संघष नापं स्वायेगु खः ।

क्रान्ति थः यवले वइमखु

मभिं नापं सदां ल्वायेगु खः ।

जनताया दुःख थःगु खंकि

मनिं फुकं देशं थ्वायेगु खः ।

सदां ह्याँगवाः जीवन मखु

ह्याँगवाःमि जुया ग्वायेगु खः ।

देश छंगु जिगु व्वहलय दु

देश भक्ति जुया म्वायेगु खः ।



चुनाव लिपा पासा नापया गन्थन-२



-रोशन श्रेष्ठ

राष्ट्रीय राजनीतिइ बर्मूवादया मिशाल ज्वना हाकू संविधान जारी यायेगु निसं देसय अनेक ल्वापुखिपु जुइगु लकस दयेका च्वंगु पार्टीया पाखे नेवा: समाजया भिं जुइमखु । तर अथे जूसां थःगु जीवनकाछि अजाःगु पार्टीइ हे च्वना फुकाच्विपिं नेवाःतसं पार्टी त्वःता पिहाँ वये मफु । पिहाँ वःपिं नं थी थी हुनिं याना हाकनं लिहाँ लिहाँ वनेमालीगु अवस्था वल । इमिसं नं स्यू कि, थजाःगु बर्मूवाद हावि जूगु पार्टीइ तक्कना च्वनेमाःगु थःगु बाध्यता खः । अजाःगु परिस्थितिं न्ह्यःने वःपिं नेवाःतसं आः धमाधम क्यनाच्वंगु दु कि सुपुत जुइ वा सशक्त जुइ-तर नेवाःया नुगलय छकूचा कि छकूचा नेवाः भावना दया हे च्वनी । थ्व धापू सार्थक जूगु प्रमाण आः धमाधम पिहाँ वइच्वंगु दु । नेवाः समाजया नितिं थुकिंया विस्कं अर्थ दु ।

‘त्यानावःपिनि पार्टी ला अझ नं बर्मू नियन्त्रित पार्टी हे खःनि सा ।’

‘खः । तर नियन्त्रणया स्वरूप न्हापा गथे लिपा नं अथे हे जुयाच्वनी धयागु मदु । हिला वइगु संकेत स्पष्ट सी दु । पार्टी संयन्त्र पाखे बर्मूवाद हावि जूगु मू कारण छु खः स्यू ला ? व खः ‘ह्वीप’या नामय जुइगु कारवाहिया त्रास । पार्टी संयन्त्र दुने तानाशाही दु । अन्तरपार्टी लोकतन्त्र मदु । तर विरोध सुनां नं याये मछाः । छायाःसा विरोध यात धाःसा कारवाहि जुइ । कारवाहि जुल धाःसा राजनीतिक भविष्य चौपट जुइ । गथे कि येँ महानगरपालिकाया सुर्घ चिं काइम उम्मेदवार सु जुइ ? सिमा चिं काइम उम्मेदवार सु जुइ ?- थ्व निर्णय याइपिं महानगरपालिका दुनेया कार्यकर्ता मखु, च्वय च्वय या ताउक्या तसं निर्णय याना हइ । क्वय च्विपिन्सं ‘दास’ तसं ‘हस हजूर’ धाये थें खुरुखु माने याइ । माने जुइमखु धायेत सशक्त गुटबन्दि यायेफुसा जक भतिचा सुनुवाइ जुइगु खः, मखुसा छुं लगेजुइमखु । थ्व अवस्थाया कार्यकर्ता धयापिं बँधुवा मजदूर थें खः । थःगु स्वतन्त्र विचार निर्भिक जुया तये मखनीगु, व पार्टी संयन्त्रया निर्देशन थःयात यःसां मयःसां स्वीकार याना च्वनेमाःगु अवस्था खः ।

तर आः स्थानिय निकाय चुनाव लिपा पार्टी नेतृत्वया थ्व निर्मम नियन्त्रण पाखे त्यानार्विपिं पदाधिकारी कमसेकम मेगु ५ दँ या नितिं फुक्का जुल । इमित पार्टी पाखे खारेज याये

फै मखु । सरकार बजेट विडमखु धका पंग तये दै मखु । बाँलाकक ज्या याना क्यन धाःसा यलयाम्ह नरसिंङ व्यञ्जनकार थें पार्टीया टिकट मब्यूसा नं स्वतन्त्र उम्मेदवार जुया मेपिनिगु जमानत जफत याना मेगु ४० दँ थःगु थसय योगदान यायेगु अवसर ब्यूगु दु । अथे जुया आः चुनाव त्याना वं पिन्सं पार्टीया ह्वीपस्वीप मखु, थःगु स्वविवेक थःगु चुनावक्षेत्रया जनताया माग पू वंकेगु स्वयेमाः । यदि अथे याये मफुत धाःसा इपिं हाकनं मेगु चुनावय त्याइमखुत ।

त्याना वंपिं पदाधिकारीपिन्सं आः पहिचानया पक्षय गुलि सशक्त अडान काल उली हे इमिगु भोट ब्याक बल्लाना च्वनी । धुलमुले धुलमुले जुल धाःसा सुनां नं विश्वास याइमखु । बजेट भासनं क्यने हे धुंक्ल कि, आर्थिक विकेन्द्रकरण नं जुयावइगु जुल । थजाःगु अवस्थाय मेपिन्त दोष विद्या थःगु पहिचानया पक्ष ज्या याना क्यने मफुत धाःसा मेगु चुनावय त्याइमखु । थ्व

बाध्यकारी परिस्थितिया लिचवः कथं आः पहिचानया आन्दोलन सडक जुलसय मखु, वडा वडा लेभलया वडा कार्यालय व पार्टी समितिया दुजःपिनिगु छेंय छेंय जुइगु अवस्था दु । थथे मुद्दा विकेन्द्रित जुया वनेवं पार्टीयात थःगु पतिंचाय चाःहिइका च्विपिं बर्मू नेतात थःगु खँ न्यंकेत इमिगु बर्मू आधार क्षेत्र मात्तुमाला वनेमालीगु अवस्था वइतिनि ।

‘इमिसं अथे वयेके बिइ ला?’

‘अथे वयेके मविइत इमिसं चाल भित्तिइतिनि । इमिगु हतियार बर्मूच्यःत खः । तर न्हाचः हे धाये धुन कि, बर्मूच्यः जुया च्वनीपिन्त समाजं म्हसिइका धिक्कार याना हयेधुंक्ल । अथे जुया इमिसं फेक नेवाःत छयलेगु न्हूगु चाल भित्तिइतिनि । फेक नेवाःतसं नेवाःसापेक्ष खँ यक्क यक्क हे ल्हाइ, तर ज्या यायेबलय धाःसा आप्रवासी बर्मूपिन्त लिक्क लिक्क तया इमित स्थापित यायेगु ज्याय ग्वहालि याना च्वनी । पहिचान पक्षया पिन्सं गुलि आक्रामक शैलि ज्वना थजाःगु कुलांगार ज्याया भण्डाफोर यात, उली हे फेक नेवाःपिन्त नेवाःघात यायेगु पाखे दिके फै । पहिचान विपक्ष व पक्षया दथुइ थजाःगु तनाव निरन्तर जुया हे च्वनी ।’

‘तर अन्त्य पहिचान पक्षधर हे स्थापित जुइ ला ? कि जुइमखु?’

‘थ्व खँ यकीन धाये फैमखु । कन्हय स्वनिगःया दक्क थसय नेवाःभाय अनिवार्य, नेवाःभाय कामकाज धयागु अवस्था जुल धाःसा नं आप्रवासीपिन्सं कुतःयाना नेवाःभाय ब्वना नेवाःतयत हे ल्यूने लाकेत बेर मदु । नेवाः समाजं थःपिं वास्तवय अलिस् जुयाच्वंगु दु,

माःगु खँ न्यनेगु सिबे बेवास्ता यायेगु, विषयवस्तुयात क्वचायेक विचाः मयायेगु व इलय हे माःकथं तयारी मयासं हचुवा पहलं ज्याखँ न्ह्याकेत स्वयेगु-थजागु बाँमलागु बानी वाक्की वयेक ज्वनाच्वंगु दु । थ्व बानीया हुनिं बाँमलाक घात जुइतिनि । नेवाः भाय स्थापित जुइवं नेवाःत सिबे आप्रवासीपिं नेवाःभासं पोख्त जुया थें थें बल्लाय न्हयनय वनीगु स्थीति विकास जुइगु अवस्था खना । अजाःगु अवस्था वल धाःसा पहिचान पक्षधर वा विपक्षधर धका विचाः यायेगु या अर्थ मदु ।’

‘धाथे वइला अजाःगु अवस्था?’

‘वइमखु धायेगु आधार छु दु ? नेवाःत थःगु हे बस्तिइ क्याम्पस दु, सुविधा दु, सकतां दु, आप्रवासीपिं थें क्वथा छकु बालं कया दुःख याना च्वनेम्वाः । उलिमछि सुविधा दुसां तवि नेवाःतसं फाइदा काये मफु । सःस्यूपिन्के न्यने धयागु मदु, ज्ञानया खँ नुगलय दुवाले धयागु दु, जीवनय छयले धयागु मदु । व हे मुलु व हे सुका थें छगू चक्रया जीवन हनेदत धायेवं गाः । अथे जुजुं जुजुं थःपिनिगु बुँ मदयेका च्वन, लजगाः मदयेका च्वन, भाय मदयेका च्वन । स्वर्गया वःपिं थें स्वच्छ वातावरण, हराभरा नगर, शान्त समृद्ध सुखि जीवन म्वानाच्विपिं नेवाःत थःगु हे बुद्धि ध्वाथः जुया यमराजया नर्क थें सासः ल्हायेत नं स्ववः कापःया मास्क तयेमाःगु, ल छप्सः त्वनेत नं १५गू मिनेट दयेका, ख्वाँउका फिल्टर यायेमाःगु-थजाःगु अवस्था थ्यनेधुंक्ल । थुलिमछि हन्ता जूसा नं स्याःचा मथूपिं नेवाःत उलिमछि दु । पहिचानया आन्दोलन न्ह्यायेवं जक थजाःगु मामिलाय भतिचा यक्क बय बय जुल । तर बय बय जुयां छु याये ? नेवाःत थःहे गुग्वार । चाकु नःसा नं चाकुसवाः मथू धाये थें, न्ह्याबले व हे नाम्लो, व हे कुम्लो । अले, अजाःगु अवस्था वइमखु धायेगु आधार दु ला ?’

‘खः पासा खः । छं धाःगु खँ जितः साप चित्त बुजे जुल ।’

‘छं नं ला व हे ताल खः नि । जिके घण्टी घण्टा खँ न्यनी । खः खः धाइ । चित्त बुभे जुल धाइ । भोट तयेत्यल कि काँ जुया व हे ध्वाँय ध्वाँय आजुया पालनिसें देय स्यंकाच्विपिन्त भोट तया वइ ।’

‘हा हा हा हा । आः तिति छं सवाः पिहाँ वयेक ब्वः बिल का । आः छु याये ले ? सकसिनं चिराख त्याइ मखु धाल । भोट छपाः छाया सितिं छुवये धकाः मतिइ वन ।’

‘जिं स्यू । अथे जुया हे जिं अखुन्हु हे च्वयाविया । आः न्यादं थ्व मजिल व मजिल धायेमते, धाल कि थःगु हे ख्वालय थुक्लं ब्यूगु बरावर ।’

‘हा हा हा हा हा हा’

खँ थुइका दिसँ मुसुकाया दिसँ ।

पेज श्री पिपुल्स च्वइस अवाडया नोमिनेशनया घोषणा

विजयरत्न असंबरे

नेपालभाषाया संकिपा व संगीत ख्यलय् छगुयां छगु हे जक सिरपाया रूपय् न्ह्याना चंगु पेज श्री पिपुल्स च्वइस अवाडय् व्वति का:गु संकिपा, म्ये व म्युजिक भिडियो पुच:या सिरपाया निरिति अन्तिम धलखय् ला:पिनिगु नां थौं छगु ज्याभव: दथुई घोषणा या:गु दु। पेज श्री पाक्षिक पत्रिकाया सम्पादक दर्शनवीर शाक्यं थौंया नोमिनेशन घोषणा ज्याभवलय् कनादीकथं नेपालभाषाया संकिपा व संगीत ख्य: आपालं आपालं न्हूहूगु संकिपा व म्ये, म्युजिक भिडियो पिहाँ वया चंगु दुसां अवाडया निरिति अज्यागु दक्व: सिर्जनाया सर्जकतसें व्वति मका:गुलिं थ्व नोमिनेशनय् अवाडया निरिति व्वतिका:गु सिर्जना जक दुथ्याना चंगु खं नं न्ह्यथना दिल। म्ये पुच:या सिरपाया निरिति मुकं च्यागु विधा, म्युजिक भिडियो पुच:या निरिति न्हयगु विधा व संकिपा पुचलय् मुकं १७ गु विधाय् नोमिनेशनया घोषणा या:गु ख:। अथेहेतुं थ:गु जीवन हे कलाकारिता ख्यलय् पानादीमह सर्जकयात वयकया जीवकाछी योगदानया कदर कथं ल:ल्हाइगु लाइफ टाइम अचिभमेण्ट अवाड थूगुसी नांजाम्ह संगीतक:मि विष्णु जलमियात ल:ल्हाइगु जुगु दु।

थूगुसीया अवाड ज्याभवलय् संकिपामिपिं सुरेन्द्र तुलाधर व पवन जोशीयात वयकपिन्सं २०७२सालया भुखाचकया जुगु सास्तीया खँयात म्युजिक भिडियोया माध्यमं न्ह्यव्व:या ज्वमदूगु दसु न्ह्यव्व:गुलिं वयकपिन्त विशेष सम्मान याइगु जुगु दुसा: संकिपा पुचलय् बाल कलाकार विधाय् आपालं संकिपाय् मचा कलाकारया छ्यलाबुला उलि बांलाक जुया चंगुलिं नोमिनेशनय् मतसे 'थ्वला ग्यानापु स्टायल'संकिपाय् मू भूमिका हे म्हेतुमह बाल कलाकार नस्वा जोशीयात सिरपा विडगु जुगु दु। थ्व नोमिनेशनय् नांजाम्ह साहित्यकार नातीबज्र बज्राचार्य व नांजाम्ह संगीतक:मि रत्न बेहोशीया नां नं उत्कृष्ट रचनाकारया सिरपा धेंधें बल्लाखय् लाना चंगु दुसा: संकिपाया पुचलय् नेपा:या फिल्म ख्यया पुलांमह व नांजाम्ह फाइट डाइरेक्टर राजेन्द्र खडगी 'अंश'पाखें व सम्पादनय् पुलांमह व नांजाम्ह फिल्म एडिटर मन्दिल श्रेष्ठ 'तुयुमति'पाखें सिरपाया नोमिनेशनय् लाना चंगु दु। थ: थये सिरपाया धेंधें बल्लाखय् लाना चंगु खँय् प्रतिक्रिया प्वकेगु भवलय् वयकलं थयात सिरपाया निरिति नोमिनेशनय् त:गुलिं ग्वसा: खल: व निर्णायक पिन्त सुभाय् देछासे धया दिल कि, 'थ्वला ल्यायमह तयगु जमाना ख:। जिपिला पुलां जुइधुकल। थ:ज्यागु सिरपा न्हापा ल्यायमहवले काय् धुन, उकी सिरपा जित मखु ल्यायमह पिन्त बियादीत इनाप याना च्वना।'

संकिपा पुच:या नोमिनेशनय् तिन तिक: महाविक:, अंश व स्वयेनगु धेंधें बल्लाखय् लाना चंगु दुसा: निर्देशकय् अंशया सुरेन्द्र तुलाधर, तुयुमतिया आर्यम नक:मि व तिन तिक: महाविक:या प्रविण लाकौल उमेश प्रधान नोमिनेशनय् लाना चंगु दु।

एम्सया म्युजिक फेस्टिभ भदौ ३१ गते

-ललेन्द्र शाक्य,

एम्सया दशै म्युजिक फेस्टिभय् संकिपाक:मि व संचारक:मिपिन्त हनीगु संकिपाक:मि स्वतन्त्र संसार महर्जनया एम्स इन्टरटेन्टया ग्वसालय् थ्वहे वइगु यंलागा एकादसि भदौ ३१ गते शनिवा: 'दशै म्युजिकल फेस्टिभ २०१७' नांया छगु त:जिगु सांगितिक व सांस्कृतिक ज्याभव: जुइगु जुगु दु। भाषा, कला, साहित्य, संगीत व संस्कृतिया संरक्षण व सम्बर्द्धन यायेगु आज्जु ज्वना: नीस्वंगु एम्सया ग्वसालय् जुइगु उगु फेस्टिभ ज्याभवलय् नेपालभाषाया संकिपा, संगीत व संचार ख्य:या थीथी व्यक्तित्वपिन्त नं हनीगु खँ विहिवा: यलया वेखाज् पार्टी भेन्डुइ जुगु छगु पत्रकार सम्मेलनय् जानकारी ब्यूगु दु।

'दशै म्युजिकल फेस्टिभ २०१७' ज्याभवलय् नांजा:मह वरिष्ठ सिने प्रचारकलसें नेवा: अनलाइन न्यूजया संरक्षक विजयरत्न असंबरे, नांजा:मह संकिपाक:मि सुरेन्द्र तुलाधर, नांजा:मह संगीतक:मि सुमन कपाली व नेपाल मण्डल टेलिभिजनया प्रबन्ध निर्देशक नांजा:मह क्यामेरा पर्सन भाइकाजी महर्जन नयनयात वयक:पिन्सं थ:थ:गु ख्यलं नेपालभाषाया संकिपा, संगीत व संचार ख्य:या थपू यायेत याना: वयाचंगु योगदानयात कदर यासें एम्सपाखें थये हनेगु ग्वसा: ग्वयागु खँ पत्रकार सम्मेलनय् जानकारी ब्यूगु ख:। भदौ ३१ गते यलया रिडरोड वागडोलय् चंगु वेखाज् पार्टी भेन्डुइ जुइगु उगु सांगितिक ज्याभवलय् सानुवाबु महर्जन, निशा देशार, सुविन श्रेष्ठ, एन्जेला सिं श्रेष्ठ, किशोर शाही, सलिलसुन्दर तुलाधर, सरिता शाही, कृष्ण महर्जन, मचाराजा महर्जन, रुपेश डंगोल, श्रजल महर्जन, सन्तोष पाखिन, अञ्जन श्रेष्ठपिन्सं म्ये ाला: न्यकीगु व रेश्मी महर्जन, रजनी खडगी, अन्तु महर्जन, सलोना बज्राचार्य, राजेन्द्र महर्जन, बालकृष्ण प्रजापति व रुपेन्द्र श्रेष्ठपिन्सं हुलाप्याखं न्ह्यव्वयादीगु ग्वसा: ग्वयात:गु दु। अथेहे तुं ख्वनाया सिकाली व्याण्ड व डि माफिया क्रुज व्याण्डपिनिगु नं कन्सर्ट ज्याभव: जुइगु जानकारी उगु पत्रकार सम्मेलनय् जानकारी ब्यूगु ख:। उगु ज्याभव: किपूया ए टु जेड मोबाइल हाउसया न्ह्यव्वया कथं जुइगु जानकारी नं उगु पत्रकार सम्मेलनय् ब्यूगु ख:।

नेवा: एफ. एम. आ: न्हिच्छि चच्छि विश्वया

न्ह्यागु कुनय् च्वना नं न्यनादीफइ।

नेवा: एफ. एम. न्यनादिसँ

नेवा: जुयाया गौरव यानादिसँ

<https://www.radionomy.com/en/radio/newafm>

Darshan Trade & Suppliers Pvt. Ltd.



शिल्ड, ट्रफी, मेडल, मायाको चिनो, अवाड
आदि उचित मूयमा उपलब्ध छ।

दर्शन ट्रेड एण्ड सप्लायर्स प्रा. लि.

कीर्तिपुर-१०, काठमाडौं

सम्पर्क : ०१-८३३८८६८.०१-८३३९८८२

ई मेल : darshantradenp@gmail.com

जापानय् नेपाल डे फेस्टिबल २०१७ तःजिक न्यायेकल

—कुमार बज्र, टोकियो

नेपाल डे फेस्टिबल २०१७ तःजिक क्वचाःगुलिं ग्वसाः खलः एनआरएन जापान व फेस्टिबल ताःलाकेत चाःनिहं मधाःसे पलाः न्ह्याकूपिं सकल ग्वाहालिमिपिं व जापानवासी फूक्क संघसंस्था व नेपाःमिपिन्त वल्ड नेवाः अर्गनाइजेशन जापानपाखें बधाई व सुभाय् देछाःगु दु ।

वंगु दसैंवें थुगुसीया फेस्टिबलय् आंशिक रूपं जूसां नं अप्ठः जापानीतयगु उपस्थिति खनेदूगु खः । आपालं जापानवासी नेपालीपिनिगु सहभागितां ज्याभवः अतिकं न्ह्याइपुक्क क्वःचागुलिं वल्ड नेवाः अर्गनाइजेशन जापानया प्रतिनिधि रामभक्त जोशीं ग्वसाः खलः कमिटीयात बधाई व धन्यवाद बियादीगु खः ।

थुगु दँया कमिकमजोरयात चीकाः मेगु दँ नेपाल डे फेस्टिबलया दिं आःनिसैं हे घोषणा यायेफूगु खण्डय् दबुली फयांफतले नेपाली संस्कृति खनेदइगु ज्याभवः व आपालं सिवें आपाः प्रचार प्रसार यानाः जापानीपिनिगु आपालं सहभागिता यायेफइगु खँ अर्गनाइजेशनया प्रतिनिधि सन्दिप नारायण शाक्यं धयादीगु खः ।

अगस्त २६ व २७ तारिख निन्हु यंकं न्यायेकूगु नेपाल डे फेस्टिबलय् वल्ड नेवाः अर्गनाइजेशन जापान न्ह्यवःगु नेवाः भेषभूषा व सांस्कृतिक ज्याभवः उत्कृष्ट रूपं क्वचाःगु खः ।

लाखे, भ्यालिंचा प्याखं, तायमचा प्याखं, घिन्ताकिसि प्याखं, धिमे बाजं, भूस्याः बाजं, कुमारी व नेवाः भेषभूषाया बज्यां नेपाःया जात्रायें हे तःजिक मनोरञ्जनया लकस ब्वलकूगु खः ।

जापानवासी नेवाःतयगु सक्रिय सहभागितां थुगुसिया नेपाल डे फेस्टिबलय् नेवाः संस्कृति ब्वलनीगु थीथी सांस्कृतिक ज्याभवःत

न्ह्यवःगु व निन्हुयंकं फेस्टिबलय् सहभागी जुयादीपिं सकल नेपाःमि व जापानी पासापिन्त सुभाय् बियादिसैं थुगुसी छुं मात्राय् जूसां नं जापानीत सहभागी याकेफूगुलिं वल्ड नेवाः अर्गनाइजेशन जापानया प्रतिनिधि ब्याँचा दाई यामानाकां लसता प्कादीगु खः ।

नेवाः संस्कृति धैगु हे नेपाःया संस्कृति जूगु जुयाः जापानय् भीगु संस्कृतिया संरक्षण, सम्बर्द्धन प्रचारप्रसार यायेगु व जापानीपिन्त नेपाः भ्रमणप्रति आकर्षित याकेगु दायित्व जिपिं मुक्कं जापानवासी नेपालीतयगु ल्हातय् दूगु खँ अर्गनाइजेशनया मेम्ह प्रतिनिधि जनक राज शाक्यं धयादीगु दु ।

थुगुसिया नेपाल डे फेस्टिबल २०१७ स नेपाःमिपिनिगु सहभागी आपालं दूगु व ताःलाःगुलिं उगु ज्याभवः ग्वसाः खलःया संयोजक सुदन थापायात अर्गनाइजेशनया पाखें प्रतिनिधि प्रकाशलाल श्रेष्ठं बधाई व सुभाय् बियादीगु खः ।

फेस्टिबल ताःलाःगुलिं बधाई बियादिसैं नेपाल डे फेस्टिबलया दबुली थुगुसी नेपाःया संस्कृति दुध्याःगु नेपाली सांस्कृतिक ज्याभवःयात न्हापांगु प्राथमिकता बियादीगुलिं ग्वसाः खलःयात सुभाय् बिसैं नेपाःया सांस्कृतिक ज्याभवःत न्ह्यवःगु नेवाः अर्गनाइजेशन जापान सदां सहकार्य यायेत तत्पर जूगु खँया जानकारी अर्गनाइजेशनया प्रतिनिधि इन्द्रा सुजुकी राजभण्डारी धयादीगु दु ।

नेपाल डे फेस्टिबलया लिपांगु दिनय् सदायें फेस्टिबलय् चाःट्यूवःपिं नेपाःमिपिन्सं याःगु फोहोरं यानाः ग्वसाः खलःयात सुचुपिचु यायेत थाकूगु व लखौं जापानी येन सुचुपिचुया नितिं आर्थिक भार व्यहोरे यायेमाःगु दु धकाः धाःगु दु । आःनिसैं जापानय् जुइगु उज्वःगु



ज्याभवलय् सहभागी जुइबलय् लाक्वपाक्व फोहोर वांछवयेगु बानी मेपिन्सं याःसां नं थःम्हं मयाये धैगु भावना ज्वनाः सहभागी जुइमाःगु खनेदु धकाः धाःगु दु । नेपाल डे फेस्टिबल वंगु १० दँ निसैं जापानय् ग्वसाः ग्वयाः वयाच्चंगु खः । जापानय् क्रियाशील संघसंस्थातयगु सहकार्यस एनआरएन जापान थुगु दँया नेपाल डे फेस्टिबलया ग्वसाः ग्वःगु खः ।

वल्ड नेवाः अर्गनाइजेशन जापान, नेवाः जागरण मञ्च जापान व नेवाः गुधि जापानया सक्रियताय् थुगुसिया नेपाल डे फेस्टिबलय् नेवाः सांस्कृतिक ज्याभवःत न्ह्यवःगु खः । अथेहे, शरद शेरचनं नेवाः, गुरुड, थकाली, शेर्पा, तामाड, शेरचन, ब्रम्हु, क्षेत्री, थारु थीथी नेपाःया जातजातिया भेषभूषाया फेशन शो यानाः उकिया म्हसीका बियादीगु खः । धिमे व पञ्चे बाजाया लिसैं थीथी जातजातिपिन्सं थःथःगु सांस्कृतिक ब्वज्यात यानाः नेपाल डे फेस्टिबल नेपाःया थीथी जातजातिया फुलवारी खः धैगु दसि क्यनेत ताःलाःगु खः ।

सूचना

सातौं वार्षिक साधारणसभामा उपस्थितिका लागि

यस संस्थाको २०७४/०५/११ गते आइतवार बसेको संयुक्त संचालक समितिको बैठकको निर्णय अनुसार संस्थाको सातौं वार्षिक साारसभा तपसिल बमोजिम हुने भएको हुँदा पत्र सम्बन्धित ठेगानामा पठाईसकिएको छ । यदि पत्र प्राप्त नभए यसैलाई सूचना मानी अनिवार्य उपस्थितिका लागि हार्दिक अनुरोध गरिन्छ ।

कार्यक्रम :

मिति : २०७४/०६/०७ गते शनिवार

स्थान : कृष्ण क्याटरिङ्ग, पाँगा दोबाटो, कीर्तिपुर

समय : बेलुकी ठिक ५ बजे

सभामा छलफल हुने विषयहरू

१. संचालक समितिको तर्फबाट अध्यक्षबाट आ.व.२०७३/०७४ को वार्षिक प्रतिवेदन पेश गर्ने र सो ऊपर छलफल गरी पारित गर्ने ।
२. लेखा परिक्षणको प्रतिवेदन सहित आ.व.२०७३/०७४को नाफा नोक्सान हिसाब र वासलात अनुमोदनको लागि पेश गर्ने ।
३. संस्थाको नियमित कारोबार संचालन गर्ने संचालक समितिले आ.व.२०७३/०७४मा गरेको सम्पूर्ण निर्णयहरूको समर्थन गर्ने ।
४. आ.व.२०७४/०७५ को नीति, कार्यक्रम र बजेटमाथि छलफल गरी पारित गर्ने ।
५. कोषाध्यक्षबाट आयव्ययको प्रतिवेदन पेश गर्ने ।
६. विनियम संशोधन गर्ने ।
७. आ.व.२०७४/०७५ का लागि लेखा परीक्षकको नियुक्ति र पारिश्रमिक तय गर्ने ।
८. साधारणसभाको निर्णय पुस्ताकामा हस्ताक्षर गर्ने शेयरधनी, सदस्य महानुभावहरू र संचालक समितिको तर्फबाट १/१ जना प्रतिनिधि नियुक्त गर्ने ।

विविध :

संचालक समितिको आज्ञाले,
सचिव

दर्शन बचत तथा ऋण सहकारी संस्था लि.

कीर्तिपुर-९, फोन नं.४३३२०५७

साहित्य उपन्यास जन्ति न्यात

चमि- मदन गोपाल प्रधान "क्वा:घासा"

कथं
 "आ:यात ला छुं न्याये मा:गु मन्त ।" छुं लुमंके भनं विचा: याना श्रीं धाल, "ब:निभा: विइन । छिपिं हूँ । वरु ला:सा कन्हय् छरु वा ।"

"हस् ।"

थुलि धया: नवनित व वया पासापिं निम्ह नं दन । मनमायायाके न्यना: स्वम्हं वन ।

सुथय् जा नया: पिहाँ वम्ह श्रीं न्हिछि जाइन च्या छगू नं त्वंगु मखुनि । नये पित्यानं मजू । मांयागु चिन्ताय् हे न्हि विइन । फ्यतुना च्वम्ह श्रीयात छक: मनमायां स्वत ।

"छं छुं नं मनया नि ला ?"

"नये का । मांया नये पित्यात ला ? हर्लिक्स दयेके ला ?"

"ज्यू । बिस्कुट हयागु दु मखुला ?"

"दु । सुन्तलासि व अंगूर नं दनि ।" धाधां सुन्तलासि छग: काल । प्वला: मनमायायात बिल । अले अंगूर कया: रिक्कापिं छपातय् तल । सिला: मांम्हेसिया न्यने तल ।

"छं नं न ।"

"छि भपि । अन मेगु दनि । जिं काये ।"

श्रीं सुन्तलासि छग: काल । ल: दायेकेगु थलय् ल: तया: हिटरय् दे छुत ।

"छन्त नं गाक्क ल: दाये कागु ख:ला ?"

"ख: ।" धका: धाधां श्रीं सुन्तलासि प्वला: नल । सुन्तलासि भी म्हुतुइ त तं श्रीं मांम्हेसिया लिक्कय् फ्यतुत । मां काय् निम्हेसियां नया च्वन । नये सिधयेका: श्री गिलास सिल । ल: नं दाल । मनमायाया नं नये सिधयेकल । निगिलास हर्लिक्स दयेका: छगिलास मांम्हेसित बिल । थ:त छगू काल । हर्लिक्स त्वने त्यम्ह श्रीं छुं लुमंसि वयेकु थें याना: दन । न्यनेसं टेबुलय् च्वंगु बिस्कुट छगू पुरिया काल । पुरिया स्यंका: चिकिचा पा:गु रिक्कापिं छरिक्कापि बिस्कुट मनमायायात बिल ।

"छन्त ग्वले ?" छपूरियां थ:त तया ब्यूगुलिं मनमायां श्रीयात धाल ।

"जित: मेगु दु । मांया भपिया दिसँ ।" धया: न्यनेसं च्वंगु मेगु बिस्कुट पुरियाय् श्रीं ल्हा: न्याकल ।

थ:त तया ब्यूगु बिस्कुट फुकं थ:म्हं नये फौ मताया मेगु बिस्कुट पुरिया स्यंका: म्वा:नि धका: मनमायां धा:गुलिं श्रीं कायेत्यंगु बिस्कुट पुरिया मकाल । मांम्हेसित तया ब्यूगु बिस्कुट वछि मेगु रिक्कापिं छपातय् तया: श्रीं थ:त काल । निम्हं बिस्कुट ननं हर्लिक्स त्वना च्वन ।

नये सिधयेका: श्रीं गिलास व रिक्कापित सिला: थासय् तल । डक्टर व नसंत निम्हं दुहाँ वल । श्रीं डक्टरायत नमस्कार यात । श्रीया नमस्कारया लिसलय् छयं क्वाना: डक्टर मनमायाया लिक्क दं वल । नसं न्यने तया ब्यूगु रिपोर्ट चार्ट छक: स्वत । मनमायाया नाडि छक: जांचय् यात । ब्यांकेट चिइका: त्वधूथाय् छक: स्वत । छचा: खेरं मना वया च्वंगु दु । एक्सरे छक: स्वत । च्वला पतिंचां एक्सरे क्यं क्यं नसंतयनाप छक: भुनुभुनुं खँ ल्हात । नसंत छयं क्वा क्वां डक्टरं धा:गु खँ न्यना च्वन । स्वये धुंका: एक्सरे नसंयात बिल ।

"छित: ला छुं हे मजू थें च्वं । छाय् हस्पिटलय् भयागु ?" डक्टरं मनमायायात धाल ।

"छुंला मजू, तुति जक त्वधुल का, दाक्टर साहेब ।" डक्टरया धापू थू भनं न्यय् ख्वा: ब्या: मनमायां धाल ।

"तुति त्वधुम्ह ला धाये हे मत्व: छि । छुं हे मजूम्ह थें याउँक च्वना च्वंगु दु । मेपिं जुसा गुलि ख्वइ हालिइ ।"

"न्हाच: छिगु, माक्क ख्वये हाले धुन । इन्जेक्सन विसैलिं तिनि मस्यात । नत्र ला च्वना: च्वने फुगु मखु । प्रान हे वनिथें च्वक स्याइगु ।"

"छि धाये हे व:लाम्ह ख:का । धन्दा कया: दिइ म्वा: । याकनं हे लाइ । याकनं लायेके मास्ति व: ला कि मव: छित ?"

"याकनं लायेके नं सुया मास्ति मवइ ?"

"अय्सा कन्हय् अप्रेशन यायेगु का । मज्यूला ?"

"मजियां छु याये ? मा:गु ला याये हे माल ।"

"वहे ला धयागु । छिं मस्यगु नं मखु ।" धाधां डक्टरं अप्रेशन यायेत मा:गु हस्पिटलय् मदुगु छता निता वास:त पिनें न्याना हयेत भ्वं च्या: श्रीयात बिल । रिपोर्ट चार्टय् नं अप्रेशन वारे च्वये मा:गु फुककं च्वत । नसंतयत चार्ट वयना: खँ छक: ध्वाथुइकल । डक्टरं धा:गु फुककं खँ थू भनं नसंतयसं छयं क्वात । कन्हय् सुये गुता: इलय् अप्रेशन यायेगु जुइ धका: श्रीयात धया: डक्टर वन, ल्यू ल्यू नसंत नं ।

८

अप्रेशन याना: बा:छिति हस्पिटलय् च्वना: मनमाया छँ व:गु नं लछि दये धुंकल । वाकरया ब:कया: कोथा धुछि उखें थुखें उखें उखें जुइ फत । गुलि जुल उलि जुइ फया: व:गु दु । बुलुं बुलुं जुइ मा: धका: डक्टरं नं धा:गु । तर मिं पूम्ह खिचा ल्हाप्सा त्वयेवं ग्या: धयाथें क्वदया: तुति त्वधुके धुंक्म्ह मनमाया हानं क्वदइ धयाथें ग्या: । न्हापां न्हापां ला वाकरया ब:कया: नं छम्हेसिनं ज्वना त:सां दनेत तक नं ग्याम्ह मनमाया आ: छुं मखु थे जुइ फत । सुथे न्हिने अले वान्थिइ न्हिछिया स्वक: वाकरया ब: कया: कोथा धुछि लिर्सिधरु जुइगु मनमायाया न्हियां न्हिथंया ज्या हे जुइ धुंकल । थये न्हिया न्हिथं जुइगु वानिं याना: मनमायाया आत्मा बल भन भन बलाना बल । थौं सिबें कन्हय्, कन्हय् सिबें कंस, न्हियान्हिथं थ: बलाना व:गु मनमायां थ:म्हं हे तायेकल ।

हस्पिटलय् वने मा:बलय् मनमायां चिनिमायायात मनं मनं यक्व हे व्व ब्यूगु ख: । चिनिमायां याना हे वया तुति त्वधुगु धका नं वं मनय् तायेकुगु ख: । व क:सिइ च्वना त्वारा त्वारा हाला मच्वंगु जूसा थ: दैगु मखु धैगु मनमायाया विचा: । वयागु खँय् लाना: थ: द:गु धयागु मनमायाया धारणा । वं याना थ: तुति त्वधुका च्वने मा:गुलिं चिनिमायायात मनमायां तसकं हे महीगु ख: सां थ: हस्पिटलं लिहाँ वसां निसं कया: थौं तक चिनिमायां थ:त: विचा: याना: च्वंगु खँ लुमंका: वं याना: थ:गु तुति त्वधुगु मखु धयाथें मनमायां तायेकल । यदि वयानापं खँ ल्हाना: द:गु जूसा न्हापालिपानं ला दयेमा:गु ख: । तर उखुनु हे जक दयेमा:गु वया खँय् लाना मखुसे थ:हे वेहोसि जुया: द:गु खँ मनमायां चायकेल । थ:त: उलिमछि विचा: याना च्वम्ह चिनिमायायात मभिं तायेकेगु नुग: द:यात वह:तया: खँ ल्हायेगु थें जुइ धयाथें मनं तायेकल । अले थ:गु पह: खना: थ:हे दिक्क चा: पहलं छक: उसिक्क सन । खा खँ खापा छु धयाथें मनमायाया आत्माग्लानि जूगु वयागु ख्वालं बालाक हे क्यं ।

चिनिमाया वया म्थ्याय् मखु, केहें मखु, थ:थिति सुं मखु । सुं ख:सा त्वा:वा:या भौमचा जक ख: । ज:ला ख:ला जक ख: । थये सुं मखुसा नं थ:थितित हे ल्व:मनि किसिमं थ:त चिनिमायां या:गु विचा: व कुत: मनमायां गवलें नं ल्व:मंके फइमखु । कथं
 मत्यो भेदभाव याना चोने न्यागु हे जातसां मायां नकूपिन्त मज्यू सुभाय मब्यूसे चोने विस्कुट चकलेट न्यागु न:सां मत्य: पासापिन्त स्वका: नया चोने न्यागु नसा ईना बिया:, कया सुभाय बिया तिनी नया केने मां बौ खना मछाले मते मत्य: पासापिन्त स्वका: नया चोने न्यागु नसा ईना बिया, कया सुभाय बिया तिनी नया केने मां बौ खना मछाले मते होम बर्क यायेत ग्वाहालि फोने थ:म्हं मस्यगु मस:गु स्यनां विउम्हेसित मत्य: सुभाय मब्यूसे चोने कत:पिन्सं दुस्त मभिं धायक मज्यू अनुसासन तोता न्यासि चाया चोने सकसिनं ज्ञानी धायके य:सा सुभाय शब्द छगु माल न्यावले लुमंकाचोने सुभाय शब्द छगु म्हुतुं धायत मत्य: न्हाय् थाकु चाया चोने ज्ञानी मचा धका: धायकेगु हे ख:सा सुभाय स्वंग: आख: लुमंका चोने सुभाय विईगु छिमिगु वानि याना सकसिनं छिमित माया याना केनि सकसिनं माया याना ज्ञां दु धालकि छिमि मा बौपिनिगु नाप नां चोनि

दुर्घटनाया नामय् हत्या या:गु विरुद्धय् प्रदर्शन



ज्वलपा वा:पौ

यँया २७ वडा कमलाछिइ च्वम्ह गौतम ताम्राकारयात सतक दुर्घटनाया नामय् हत्या या:गु विरुद्धय् प्रदर्शन या:गु दु ।

मदुम्ह ताम्राकारया छँज:पिन्त न्याय विइगु नितिं शनिवा: अथे असनय् मुना: विरोध प्रदर्शन ख: । असनय् मूना: न्या:गु उगु जुलुस जनवा: , वघ:, थायमदु जुया: असनं रत्नपार्क ,भद्रकालि, धरहरा, खिचापोखरी जुया: न्हू सतक जुद्ध सालिकय् क्वचा:गु ख: ।

वंगु भाद्र ७ गते विद्युत प्राधिकरण रत्नपार्क न्य:ने काँडाघारी-रत्नपार्क रुटय् चले जुइगु फोर्स गाडीं ताम्राकारया जहान अनिता ताम्राकार नापं च्वनाव:गु स्कुटरय् ठक्कर बिया: घा:पा: यायेधुंका: गाडी चालकं हाकनं लिहाँ वया: बयला: स्या:गु द्रपं मदुम्ह ताम्राकारया छँज:पिन्सं ब्यूगु दु । दुर्घटनाया नामय् हत्या या:म्ह सवारी चालकयात कडा कारवाही यायेमा:गु माग या:गु ख: । उगु प्रदर्शनय् नेपालभाषा ख्य:या कार्यकर्तानिसं न्हयलुवा:त अले स्थानीयवासीतय्गु सहभागीता दुगु ख: । प्रदर्शनया भ्रवलय् ब्यानर प्रदर्शन यायेगु नापं नारावाजी तकं या:गु ख: । अथे हे थीथी नेवा: न्हयलुवा:त नाप नापं भाषिक कार्यकर्तातय्सं दुर्घटनाय् नामय् हत्या या:गुलिं चालकयात कारवाही यायेमा: धका: माग यानादीगु ख: ।

सुभाय



-नाति महर्जन
 थ:चपा, पाँगा

वा मचात छिमित थौं जिं ज्ञानी धायकेगु खँ छगु कने 'सुभाय' शब्द दुने दुगु छिमिसं मस्यगु मंत्र कने ज्ञानी धायकेगु शक्ति दु 'सुभाय' धा:गु स्वग: आख: दुने 'सुभाय' धैगु स्वग: आख: छिमिसं सय्के माल मा:माथाय् छेला केने

मां न नके तोंके याईवले मज्यू मसा: मयो धया चोने समा: याका स्कुल छोईवले ल्वमंके मत्य: सुभाय् धया वने स्कुले त:वइपिं बाज्या बज्येपिन्त मत्यो पिरे याना ख्वया केने वरु क्लासे दुहांवने न्यो लिसवया छक: मुसुक्क न्हिला सुभाय् धया वने आकाभाकाय लँ चुलुया गोतुलि वले मछाले मते न्हां ग्वाहालि फोने ग्वाहालि या: व:म्ह न्याम्ह हे थजु मज्यू सुभाय् मधा:से चोने

गुरु गुरुमां नं आख: व्वंकी वले मत्यो ध्यान मब्यूसे उखेथुखे स्वया चोने मस:गु मस्यगु स्यनिपिं गुरुपिन्त मत्यो सुभाय मब्यूसे सुम्क चोने क्व:जात थजात धका: पासापिन्त



प्रयागमान प्रधान

नेवा: समाजय् गथाम्ब: च्छेखुनुनिसें दछियंका च्यान्हु च्यान्हु पाक्क थीथी नख:चख: पर्व न्ह्यानाचवनी । नख:चख:या छ्गू पर्व ख: पुन्हि । तिमिला पूर्वक छपां त्वइखुनुयात पुन्हि धाइ । दछिया दुने भिनिगू पुन्हि दु । पुन्हिपतिकं थीथी नांकां पर्व दु (१) क्वाति वा गुनुहुपुन्हि (२) समयबजि पुन्हि वा यँया: (३) अमासिपुन्हि वा कतिपुन्हि (४) सकिमिलापुन्हि (५) योमरिपुन्हि (६) मिलापुन्हि (७) सिपुन्हि (८) फागपुन्हि (९) ल्हुतिपुन्हि (१०) स्वांयापुन्हि (११) ज्यापुन्हि, (१२) गुरुपुन्हि । थ्व पुन्हिमध्ये यंलाथ्वय ला:गु समयबजि वा यँया: पुन्हि ख: । नेवा:तयगु थीथी नख:चख:बलय् थीथी नसा त्वँसा नयेगु त्वनेगु चलन दु । थुगु चलनकथं नां हे समयबजि पुन्हिबलय् समयबजि हे नयेगु याइ । पुन्हिखुनु छँ सुचुपिचु याना: समयबजि ता:लाकेगु याइ । सियाबजि, छ्वयला, व, हाकुमुस्या, पालु, थँ अयला: सकतां ता:लागु नसा त्वँसा ज्वल हे समयबजि ख: । थ्व पुन्हिया समयबजि फकंया पाउँक फिनातइगु छता घासा सना: नं मा: । सकतां ता:लाकेयुंका: समयबजि ज्वल

समयबजि पुन्हि व यँया:

भवय् लप्ते छपातय् तया: गणेद्य:यात छाना: पूजा याइ । द्य:यात छयेधुनेव मूलखाय् चवना: “समयबजि का:वा” धका: सता: इनाबी । गुलिसिया फल्वाय, देगलय, गुलिसिया त्वाल्य् सकसिया छथाय् त्वाकछ्याना वीगु नं चलन दु । किपूलागाया पांगा व नगामय् न्हयगां जात्राबलय् छ्नुन्त्य: जात्रा याइथे समयबजि नयेगु इनेगु नं छ्नुन्त्य: याना: वयाचंगु दु । गुरुं छँ छँज: सिना: गुनुहुपुन्हिबलय् वहा: चा:हिलेगु, सा:छ्वइगुथे समयबजिपुन्हि खुनु सन्त्या:इलय् छँया पाखाय् दलूमत च्याकेगु चलन नं दु । “समयबजि समयबजि, ला छ्कू वयेक समयबजि” धका: म्यँ हालेथे हाहां थुखेउखे समयबजि कायेत व:चा व:चाधिकपिं मचात लय्-लय् ताया: समयबजि का:जुइ । जगहाँ त्वयाचंगु तिमिलाया जलय् हरर र हररर न्हिला ल्याय्म्ह ल्यासेत थ्व पुन्हिया ज:ख: त्वा:त्वाल्य् घ:कासा म्हितेगु नं चलन दुगु ख:, थौकन्हे म्हितेयुंकेल ।

नेवा:तयगु आपलं आपा: धार्मिक सांस्कृतिक पर्व विधि वैदिक मन्त्रसिबेन्तु तन्त्रात्मक खनेदु, छु नं विशेष पूजा याइबलय् द्य:पिन्त समयबजि छयेगु व थ:पिनि नं नयेगु चलन दु । तन्त्रात्मक दर्शनकथं थ्व समयबजियात पञ्चतत्वया प्रतिककथं कयात:गु ख: । भीगु म्ह नं पञ्चतत्वया हे

समष्टि रुप ख: । प्राकृतिककथं वँवारा(पृथ्वी), ल, फय, सर्ग, मि पञ्चतत्व ख: । भीगु मृत्युलिपा थ्व हे पञ्चतत्वय् समाहित जुयावनीगु ख: ।

समयबजि पुन्हिया भवलय् ये हाथुद्य: व्इगु य:सिं थनीगु, गणेद्य: भैल:द्य: कुमारीया रथ साला: जात्रा याइगु, लाखे प्याखं, तानाकिसि प्याखं, सव:भक्कु प्याखं हुइकेगु, उपाकु वनेगु याना: पर्व न्ह्याका: वयाचंगु दु । यंलाथ्व चौथीखुनुनिसें दीप्याखं अर्थात् देवीप्याखं किलाग: ननि दवली हुइकेगु याइ । थ्व प्याखं हुइकेवं इन्द्रजात्रा न्हयने थ्यन धइगु आभास जुइ । मेमेगु द्य:प्याखंसिबेन्तु थ्व देवीप्याखनय् विस्कं विशेषता दु । थ्व प्याखंया विशेषता धइगु न्हयगुया संयोग ख: गथेक न्हयगु सुर, न्हयगु ताल, न्हयगु बाजा, गुरुपिं न्हयम्ह, न्हयगु घाडि हुइकेगु, न्हयगु दवली हुइके मा:गु ख: । अथे हे न्हयम्ह पात्रत भैरव, चण्डी, कुमारी, दैत्य, कवं (कंकाल), वेता: व ख्या:प्याखं हुलीगु दु । काया अष्टमी (भाद्र शुक्ल अष्टमी)निसें किलाग:, जोशिदेग:, वसन्तपुर, इन्द्रचोक आदि न्हयगु थाय्या दवली प्याखं हुइकेगु याइ । इन्द्रजात्राया इलय् कुमारी रथ वनेनेपाखे सालाय्कीबलय् जोशीदेग: थनीगु इलय् कुमारीया रथ दिका: देवीप्याखं क्यने:मा:गु चलन नं दु । स्वनिग:दुने थ्व प्याखं गुणकामदेवं न्ह्याका: वंगु धइगु

धापू न्यने दु । थ्व प्याखंया भवलय् प्रतालय् हालीगु भैरवया चचा म्येय् “नेपालया भुवन पति, श्री गुणकर राजा, जुगजुग जिवय् भुक्तिमुक्ति” थुकथं गुणकामदेवया नां न्हयव्वयात:गु दु । प्याखं गुरु नरेन्द्र महर्जनं च्यादीगु “देवीनाच एक परिचय” सफूया भूमिकाय् संस्कृतिविद् सत्यमोहन जोशीजु “गुणकर राजा धयातम्ह सम्भवत: नेपा:देय्या वंशावली त:सकं प्रख्यातम्ह गुण कामदेव हे खय्मा:” धका: गुण कामदेवं न्ह्याका: वंगु खयेमा: धइगु विचा: तया:दीगु दु । अष्ट भयपाखे बचय् यायेत गुण कामदेवं यँयात खइगु आकारय् दयेकेगु नापं अष्टमातृका व अष्टभैरवीपं नं स्वनावंगु दु धइगु नं न्यने वनेने दु । देवीप्याखंया निगू किम्बदन्ती दु । छ्गू उगु इलय् यँया प्रजापिं न्हियान्हिथं म्हव: जुजुं वनाचंगु खँ न्यना: जुजुयात चिन्ता जुल । हनुमान धवाखा: लाय्कू लागाय् कालभैरव: न्हयने चान्हय्-चान्हय् दैवी शक्ति देवीपिं प्रकट जुया: प्याखं हुला च्वनीगु, शक्ति देवीपिन्सं भोग का:गुलिं प्रजापिं न्हियान्हिथं म्हव: जुजुं वनाचंगु धइगु खँ नं जुजुया थाय् थ्यन । छ्नु चान्हय् जुजुयात म्हगसय् द्यवं कालभैरव:दया न्हयने खनीपिं दैवी शक्ति देवीपिंथे वसतं पुना: प्याखं हुइकेगु यात धा:सा प्रजाया भोग मकाइगु उजं जूथे देवीप्याखं न्ह्याका: वगु ख: धइगु छ्गू किम्बदन्ती दु । मेगु कथं उगु इलय् स्वनिगलय् त:धंगु महामारी जुल । आपलं मनूत सित ।

जुजुयात चिन्ता जुल । छ्नु चान्हय् जुजुयात देवीप्याखं हुइकेगु यात धा:सा महामारीपाखे मुक्त जुइ धइगु म्हगसय् खन । म्हगसय् खंथे देवीप्याखं हुइकेगु यासेली महामारी मजुल । उबलय्निसें दयदसं देवीप्याखं हुइका: वयाचंगु धइगु नं किम्बदन्ती न्यने दु । थुकथं समयबजिपुन्हि व येया:या भवलय् नसा नयेगु त्वँसा त्वनेगु, यंला द्वादसीखुनुनिसें थनेया: धका: प्यन्हू, वनेया: धका: प्यन्हू च्यान्हू येया: न्ह्याइ । थुजागु नख:चख:, जात्रा पर्व आस्था व आत्मविश्वासया समिश्रणकथं द्य:जात्रा व द्य:प्याखं हुलेगु नेवा:तयगु संस्कार व संस्कृतिकथं न्ह्याना: वयाचंगु दु । थथे नेवा:तय् थीथी नख:चख: हना: भवय् नइगुलिं व खय्तय् कला:पिं त:म्ह ब्याहा याइगुलिं “नेवा: स्यन भवजं खय् स्यन म्वजं” धका: धायेगु नं या: । हलिमय् संस्कार व संस्कृति धइगु थाय्याय्या ल, फय, ईकथं न्ह्याका: वयाचंगु दु । स्वनिग:या नेवा:तयगु भाषा, कला, संस्कार व संस्कृति नं उकथं हे न्ह्याना: वयाचंगु ख: । न्हापा स्वनिगलय् मनूत म्हव, वालाक उब्जनी जुइगु बुं बाली आपा: दु, नया मफू । मनूतयके शीप दु, ज्याय् लगनशीलता दु, सामाजिक एकता दु । थुजागु लकसं उबलय् आत्मविश्वास बलाकेत, अनुशासित जुइत, थाय्वाय् वालाकेत द्य: देग: दयेकल, ज्या यायेवलय् ज्या यायेगु जीवन न्ह्याइपुक हनेत नख:चख: जात्रा पर्व हना:, बाजा थाना:, ईव्य

मिले जुइक म्ये हाला:, प्याखं हुला: थ:गु भाषा, कला, संस्कार व संस्कृति त:ब्याका: वंगुलिं हे नेवा: सभ्यता तजि धका: हलिमं धायेका च्वने दत, थ्व नेवा: व नेपा:या लागि गौरव ख: तर थौं स्वनिगलय् नेवा:तयगु बुं बाली मदया वन, मनू ल्या: अप्चया वन, आर्थिक अवस्था व:मलाना: वन, गुकिं न्हापाथे संस्कार व संस्कृति न्ह्याके थाकुया वल, थुजागुली ई विया: जीवन न्ह्याके थाकुइगु खना: वल, थ:गु भाषा, कला, संस्कार व संस्कृति धका: थुकी हे अलमल जुया: च्वने गुलि पाय्छि जुइला धइगु न्हय:स: नं दन । निश्चित रुपं न्ह्यागु देय् न्ह्यागु समाजया संस्कार व संस्कृति धइगु हिला: वनाचवनी ।

म्हग गथे याना: थौं नं अथे हे यायेमा: धइगु मजुइमा:, याये फयाचंगु नं मदु । थ:थ:गु संस्कार व संस्कृति सुया मदु ? सकलसिया दु, न्हय:स:, व संस्कार व संस्कृति गुलि विशिष्ट ? गुलि च्छाये बह:जू ? च्छाना: चंगु दु, मूल्य व मान्यता थ्व ख: तर थौं भीगु समाजय् थ:गुकथं याये थाकुल धायेगु मेपनिगु संस्कार व संस्कृति नालेत, यायेत धा:सा न्हयचिलेगु, थाकुमचायेगु थुकिं थ:गु पहिचान गनं ल्यनी ? ख: संस्कार व संस्कृति ईव्य त्वयेक याना वनेमा:, परिमार्जन जुइमा: तर छता खँ वा:चायेकेमा: नेपा:भाषा, नेवा: कला, नेवा: संस्कार व संस्कृति हे नेवा:या पहिचान ख: नेपा:या न्हाय् ख: ।

छित: स्थानीय नेता, उद्घोषक, वक्ता नापं
बांला:म्ह एफ एम संचालक यायेगु
जिमिगु अभियान


छिगु नितिं मदयेकं मगा:गु

- संचार साक्षरता
- न्वचू कला
- उद्घोषण
- एफ एम संचालन

पत्रकार

श्रीकृष्ण महर्जनं
च्यवादीगु सफू

नास:



उकिया नितिं छिं सफू न्याना व्वनादिसँ ।

छि थ: स्वयम हे सक्षम जुयादिसँ ।

सफूया नितिं फोन ल्या: ४३३३००७, ९८४९४०९०७७, ९८४९७५२५८३

नेवा: स: नेवा: एफ. एम. १०६.६

नेपालभाषा एकेडेमिया नितिं
अनक मिडिया प्रालिया न्हयव्वया
न्हिच्छिचच्छि (२४सै घण्टा) न्यनादिसँ/न्यंकादिसँ

नेवा: जुयागुया गौरव यानादिसँ

नेवा: एफ. एम. १०६.६

न्यामासिमा, द्य:धवाखा, किपू-२

फोन ४३३४२२२



नेवा: एफ. एम. १०६.६

न्यामासिमा, द्य:धवाखा, किपू-२

फोन ४३३४२२२

ईमेल: ankmedia.newafm@gmail.com

नयाँ बजार क्लब किपूया भिन्तुना



ज्वजलपा वा:पौ

नयाँबजार क्लब, किपू नगरपालिकाया जननिर्वाचित प्रतिनिधिपि नगर प्रमुख रमेश महर्जन, उपप्रमुख सरस्वती खड्का, वडा नं.१० या वडाध्यक्ष अमन महर्जन, स्थानीय तहया निर्वाचनय त्याका:व:पि क्लवया सदस्यपि कि.न.पा. वडा नं. ७ या नसस राजकुमार महर्जन, वडा नं.७ या हे नसस प्रकाश महर्जन, वडा नं. ८ या नसस राजेश महर्जन, वडा नं.१० या वडा सदस्य चिनियाकाजी श्रेष्ठपिन्त वयक:पिनिगु कार्यकाल सफल जुडमा धका: भिन्तुना नापं शुभकामनाया स्वरुप क्लवया अध्यक्ष ईश्वरमुनि बज्राचार्य नेवा: पर म्पराकथं चापुजाया सिन्ह: टिका, कोखा बिया: दिल ।

उगु ज्याभवलय नगर प्रमुख रमेश महर्जनं छत्वा:चा नुग: खँ तया: दिल । क्लवया अध्यक्ष ईश्वर मुनि बज्राचार्य सकसितनं सुभाय देखसे सभा विसर्जन यानादिल । अनं लिपा सकलें नापं च्वना नेवा: भ्वय नया: चापुजा क्वचायकल ।

योग साधना समाज किपूया भिक्व:गु दँमुँज्या

ज्वजलपा वा:पौ

त्रिभुवन विश्वविद्यालयया गान्धी भवनय न्हियान्थं योग साधना याना वयाच्वंगु किपूया योग साधना समाजं म्हेग भाद्र १७ गते शनिवा: गान्धी भवनय छगू ज्याभव: यानां भिक्व:गु दँमुँज्या यात । समाजया नाय: रामकृष्ण महर्जनया सभानायोसुइ जूगु उगु ज्याभव:या मूपाहाँ स्वामी आनन्द विनोद त्वारवालय मत् च्याका: उलेज्या यानादिल ।

विमला ढकालं न्ह्याइपुस्से च्वंक न्ह्याकादीगु उगु ज्याभवलय समाजया सचिव मणिकाजी विष्ट लसकुस न्वचु बियादीगु ख: । अथे हे कोपाध्यक्ष कान्छा भाइ महर्जनं समाजया ल्या:चा: न्ह्यव्वया दिल । सकसेनं ताली थानां वयक:या प्रतिवेदनयात समर्थन या:गु ख: ।

वाफल योग साधना समाजया नाय: विष्णु जोशी योगया बारे न्ह्याइपुक म्येहाला: न्यकादिल । निघौतक न्ह्या:गु उगु ज्याभवलय थीथी पाहाँपिन्सं योगया बारे प्रशिक्षण बियादीगु ख: । सकसितनं जलपान याका: सभा क्वचायकूगु ख: ।



ट्री मिडिया अब

online news पनि

www.tmednews.com

“हाम्रो खबरदारी, विकासमा सामोदारी”

कुनै पनि घटना,उत्सव वा कार्यक्रमको बारेमा हामीलाई भन्नुहोस हामी दिनेछौं, तपाईंको आफ्नै खबर पल पलको

SUBSCRIBE गर्नुहोस



Tree Media Nepal



ट्री मिडिया प्रा. लि.

कीर्तिपुर-१०, काठमाडौं

सम्पर्क : ०१-८३३८८७८, ०१-८३३९८८२, ई मेल : tremedianp@gmail.com

आवर मोटर्सको

TVS
EXCHANGE
Offer

मात्र ४ देखि
मात्र १८ सम्म

गुडेपनि नगुडेपनि...

२५,००० पाइन्छ नि....



साथमा **sure shot** उपहार



Hour Motors Pvt. Ltd.

Balaju Chowk, KTM Phone No: 014360401

Mobile : 9851210478

Kirtipur-10 Phone No : 014333605

Mobile: 9851139402